

Bibel tu angka dakdanak patomutomuhon

Pesta Paska Na Parjolo



Sinurathon ni: Edward Hughes
Ilustrasi sian: Janie Forest
Sinadur ni: Lyn Doerksen
Nihatabatakxon ni: Marihot Siahaan
Hinaruarhon ni: Bible for Children
www.M1914.org


BFC
PO Box 3
Winnipeg, MB R3C 2G1
Canada

©2011 Bible for Children, Inc.


Ijin: Manang ise pe, boi do mamotokopi manang pagandahon cerita on,
asal ma unang digadis.

1

Jongjong do boruboru
i di punsu ni dolok
na gaor i, matana
na tarilu marnida
hasusaan. Nunga
mate Anakna i. Si
Maria do ina i, na
jongjong do ibana
jonok tu inganan
pamajalan ni
Jesus tu
silang.




2




Boha do parmasa ni on sude? Boha do Jesus boi Jesus paujunghon ngolu na mansai uli di bagasan hapariron? Boha do parjadina dipaloas Debata AnakNa mate tarpajal di hau parsilang? Na diula Jesus do hasalaan taringot tu hadirionNa? Na sundat do sangkap ni Debata?

3



Ndang! Ndang na sundat sangkap ni Debata. Ndang hea marsala Jesus. Tongtong do diboto Jesus na ingkon pasahaton ni angka parjahat Ibana tu hamatean. Nang di tingki Posoposo dope Jesus, nunga dipabotohon si Simeon, naung matua i, tu si Maria, na ro do sitaonon muse.

4




Pigapiga ari andorang so dibunu dope Jesus, ro do sahalak boruboru mangusehon miak na angur tu patNa. Muruk ma angka sisean i jala didok, "Dibolongkon ibana do hepeng". Alai didok Jesus ma, "Na danggan do na binahenna i. Dipatupa ibana do hombar tu pananomnKu."

5




Dung i, di jehehon si Judas, sada sian sisean ni Jesus na sampulu dua I, ma Jesus maradophon malim godang holan ala ni 30 ponggol perak.

6



Di ari raya Jahudi, dipatupa Jesus ma parpanganon na parpudi dohot angka siseanNa. Dipabotohon Ibana ma sada na mansai uli taringot tu Debata dohot padanNa tu angka na manghaholongi Ibana. Dung I dilehon Jesus ma roti dohot panginuman laho bagion nasida. Sude I laho paingothon nasida di daging dohot mudar ni Jesus na pinasahat bahen hesesaan ni dosa.

7



Dung i dipabotohon Jesus ma tu angka donganNa na naeng jehehononna do Ibana, jala laho ma nasida mandao. Dung i didok si Petrus ma, "Ndang laho ahu mandao". Alai didok Jesus ma, "Andorang so martahuak dope manuk, parsoadaonmu ma ahu tolu hali."


8



Di borngin i, laho ma Jesus martangiang tu porlak Getsemane. Tarpodom do anggo angka sisean na rap dohot Ibana. Didok Ibana, "Amang, molo tu boi nian, padao ma panginum on sian Ahu, alai ndang lomongku, tu lomo ni rohaM ma."

9

Tompu ma ro sapunguan rongom to porlak i, diboan si Judas. Anggo Jesus ndang pola mangalo, alai digotaphon si Petrus ma pinggol di sada baa. Pintor dijama Jesus ma pinggol ni baa i jala dipamalum. Ia Jesus diboto do paboa na sangkap ni Debata do panangkupon na tu Ibana i.




10

Diboan pungan na rongom i ma Jesus tu jabu ni malim godang. Disi, didok angka pangulu ni Jahudi ma, ingkon mate anggo Jesus. Jonok tusi, jongjong do si Petrus di lambung ni parjaga na mansisulu.



11

Tolu hali ma na torop i mamereng si Petrus huhut mandok, "Ho do na rap dohot Jesus i". Tolu hali ma diporso si Petrus, songon naung nidok ni Tuhan Jesus. Pola do marsumpa si Petrus.




12

Dung i, pintor martahuak ma manuk. Hira soara ni Debata do i tu si Petrus. Marningot hata ni Jesus, tumatangis ma si Petrus.




13

Tong do gabe lungun roha ni si Judas. Diboto ibana, ia Jesus ndang mangulahon hajahaton. Dipaulak si Judas ma perak na 30 ponggol i, alai ndang dijalo malim i.




14




Dibolongkon si Judas ma hepeng i, laho ma ibana jala maningkot.

15




Diboan malim i ma Jesus tu adopan ni si Latus, gubernur ni halak Rom. Didok si Latus ma, "Ndang dapot ahu hasalaan ni Jolma on." Alai marsoara nagogo ma natorop i, "Parsilangkon Ibana! Parsilangkon Ibana!"

16




Ujungna dipasahat si Latus jala didok asa diparsilanghon Jesus di hau parsilang. Dipusa soldadu i ma Jesus, ditijuri bohiNa, jala dilinsing. Dibahen nasida ma tumpal na jorbut sian sungsang duri huhut diampehon tu uluNa. Dung i dipajalhon ma Ibana tu hau parsilang laho pamatehon.

17



Diboto Jesus do na ingkon songon i parmateNa. Diboto ibana do tongtong na mamboan hasesaan ni dosa ni na porsea tu Ibana hamamateNa i. Adong do dua halak panamun diparsilanghon di lambung ni Jesus. Na sada porsea do di Jesus - jala dohot tu Paradiso. Na sada nari ndang porsea.

18



Dung tingki panaanon i, didok Jesus ma, "Nunga marujung," laos mate. Nunga sae ulaonNa. Ditanom angka donganNa ma Ibana di tanoman ni ompuNa.


19



Dung i, disegel jala dijaga angka soldadu ni halak Rom ma tanoman i. Nandang boi manang ise masuk tu bagasan - manang haruar.

20

Sugari on do ujung ni barita i, balga ma arsak ni roha. Alai dipatupa Debata do angka na uli. Ndang torus mate Jesus i.



21

Di buhabuha ijuk, sogot manogot i, di ari parjolo di minggu i, dibereng angka sisean ni Jesus ma naung guling batu i sian tanoman i. Dung dibereng nasida tu bagasan, ndang disi be Jesus.



22

Sada boruboru jongjong tumatangis jonok tanoman i. Dipatarida Jesus ma diriNa tu ibana! Marlojong ma ibana mulak di bagasan las ni roha paboahon tu angka sisean na asing. "MANGOLU DO JESUS! NUNGA MULAK



JESUS

SIAN HAMATEANI!"

23

Hatop ma ro Jesus tu angka sisean i, dipatudu ma tu nasida ipos ni bugang ni tanganNa. Tutu. JESUS NUNGA MANGOLU MUSE! Marpamuati Ibana di si Petrus na sumoadahon Ibana, jala didok tu angka siseanNa asa dipabotohon tu sasude taringot tu Ibana. Mulak ma Ibana tu banua ginjang sian inganan haroroanNa hian sian hututubuNa.

24

Pesta Paska Na Parjolo

Dapot do sada barita sian hata ni Debata,

ima Bibel,

Mateus 26-28, Lukas 22-24, Johannes 13-21

"Pangungkapon di angka hataMi do patriur parnidaan." Psalmen 119:130

25

Ujungna

54



60

26

Dipabotohon Carita Bibel on tu hita taringot tu Debata na sun hinagogo, na manompa jala na manghasiholi ho asa mananda Ibana.

Diboto Debata do naung taulahon angka na roa, i ma dosa. Hamatean do uhum ni dosa, alai mansai holong do roha ni Debata di Ho, i do umbahen na ditongos AnakNa na sasada i, Jesus. Nunga mate tarsilang jala hona uhum Ibana ala ni dosam. Dung i mulak mangolu ma Ibana, jala mulak muse tu Banua Ginjang! Molo porsea ho di Jesus jala dipangido roham asa disesa dosam, sai na patupaonNa do ! Ro do Ibana jala mian di bagasan ho saonari, dung i mangolu ma ho rap dohot Ibana ro di salelengna.

Molo porsea do ho di hasintongan on, dok ma songon on tu Debata:
O Jesus, porsea do ahu na Debata do Ho, jala naung gabe jolma.
Naung mate do Ho ala ni dosangku, alai nuaeng mulak mangolu do Ho.
Ro ma Ho tu ngolungku jala sesa ma dosangku, asa dapot ahu ngolu na imbaru, jala molo ro tingkina, gabe rap ahu dohot Ho ro di salelengna.
Urupi ma ahu mangoloi Ho jala mangolu di Ho songon anakhonMu.
Amen.

Jaha ma Bibel i jala manghatai ma ho dohot Debata ganup ari!
Johannes 3:16